

სახელმწიფო შესყიდვების შესახებ ხელშეკრულება N 160/15

ქ. თბილისი

30 დეკემბერი 2015 წელი

ერთის მხრივ, სსიპ საქართველოს ენერგეტიკისა და წყალმომარაგების მარეგულირებელი ეროვნული კომისია (შემდგომში „შემსყიდველი“/„დამზღვევი“), წარმოდგენილი მისი აღმასრულებელი დირექტორის მოადგილე ზაალ ჩომახიძე სახით და, მეორეს მხრივ, სს „სადაზღვევო კომპანია ქართუ“ (შემდგომში „მიმწოდებელი“/„მზღვეველი“), წარმოდგენილი მისი გენერალური დირექტორის არჩილ მამაცაშვილის სახით, „სახელმწიფო შესყიდვების შესახებ“ საქართველოს კანონის და „მიმწოდებლის“ სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“/„დამზღვევი“ - ორგანიზაცია, რომელიც ახორციელებს შესყიდვას.
- 1.4. „მიმწოდებელი“/„მზღვეველი“ - სადაზღვევო კომპანია, რომელიც უწევს მომსახურებას ხელშეკრულების ფარგლებში.
- 1.5. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ - „მიმწოდებლის“/„მზღვეველის“ მიერ წარდგენილი სატენდერო დოკუმენტაციის ტექნიკური დავალება, რომელიც თან ერთვის წინამდებარე ხელშეკრულებას დანართი N 2-ის სახით (დაზღვევის პირობები) და წარმოადგენს მის განუყოფელ ნაწილს.
- 1.7. „მოსარგებლე“ - პირი, რომელიც წინამდებარე ხელშეკრულებისა და საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება.
- 1.8. „სადაზღვევო პოლისი“ - დაზღვევის დამადასტურებელი საბუთი, რომელიც „შემსყიდველს“/„დამზღვევს“ აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება.
- 1.9. „დაზღვევის პერიოდი“ - წინამდებარე ხელშეკრულებაში/პოლისში მითითებული დროის მონაკვეთი, რომლის განმავლობაშიც ძალაშია დაზღვევა.
- 1.10. „სადაზღვევო თანხა“ - წინამდებარე ხელშეკრულებასა და პოლისში მითითებული ანაზღაურების მაქსიმალური ლიმიტი, რომლის ფარგლებშიც „მიმწოდებელი“/„მზღვეველი“ კისრულობს ვალდებულებას გასცეს სადაზღვევო ანაზღაურება ხელშეკრულების პირობების შესაბამისად.
- 1.11. „სადაზღვევო ანაზღაურება“ - თანხა, ქონება ან მომსახურება, რომელიც „მიმწოდებლისგან“/„მზღვეველისაგან“ ეკუთვნის „დამზღვევს“/„მოსარგებლეს“ „სადაზღვევო შემთხვევის“ დადგომისას.

შემსყიდველი

მიმწოდებელი

1.12. „სადაზღვევო შემთხვევა“ – სადაზღვევო პერიოდში ფაქტობრივად დამდგარი შემთხვევა, როდესაც წინამდებარე ხელშეკრულება ითვალისწინებს „მიმწოდებელის“/„ზღვევლის“ მიერ „სადაზღვევო ანაზღაურების“ გადახდას

1.13. „ტერიტორიული ლიმიტი“ – ტერიტორია, რომელზეც ვრცელდება წინამდებარე ხელშეკრულებით გათვალისწინებული დაზღვევა; წინამდებარე ხელშეკრულებით დაზღვევის ტერიტორიად განისაზღვრება მხოლოდ საქართველო (გარდა კონფლიქტური რეგიონებისა).

1.15. „გამომუშავებული სადაზღვევო პრემია“ – სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა.

1.16. „გამომუშავებული სადაზღვევო პრემია“ – სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის ამოწურვამდე დარჩენილი დროის მონაკვეთის პროპორციული პრემიის ოდენობა.

მუხლი 2. ხელშეკრულების საგანი

2.1. წინამდებარე ხელშეკრულების საგანს წარმოადგენს საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის დაფინანსების ფარგლებში, შემსყიდველის დროებით სარგებლობაში არსებული უძრავი ქონების (მითითებულია დანართი N 1-ში) დაზღვევის მომსახურების შესყიდვა (შემდგომში „მომსახურება“) № SPA150033721 გამარტივებული ელექტრონული ტენდერის ტექნიკური დავალების შესაბამისად (CPV – 66514110).

მუხლი 3. ხელშეკრულების შესრულების კონტროლი

3.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

3.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს საქართველოს ენერგეტიკისა და წყალმომარაგების მარეგულირებელი ეროვნული კომისიის შესყიდვების, ქონების მართვისა და ლოჯისტიკის დეპარტამენტის დირექტორის მოადგილე გიორგი იოსებაშვილი.

3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4. მიმწოდებლის მიერ გაწეული მომსახურება უნდა შეესაბამებოდეს ანალოგიურ სფეროში დადგენილ სტანდარტებსა და ხარისხს.

მუხლი 4. მომსახურების გაწევა და მიღება-ჩაბარების წესი

4.1. მიმწოდებელმა 2016 წლის 01 იანვრიდან 2016 წლის 31 დეკემბრის ჩათვლით უნდა უზრუნველყოს შემსყიდველის დროებით სარგებლობაში არსებული უძრავი ქონების (მისამართი: მიცკევიჩის N19) სადაზღვევო მომსახურება (SPA150033721) სატენდერო დოკუმენტაციით განსაზღვრული ტექნიკური დავალებისა და წინამდებარე ხელშეკრულების დანართი N 2-ით განსაზღვრული დაზღვევის პირობების შესაბამისად.

შემსყიდველი



მიმწოდებელი

4.2. მომსახურების გაწევა ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ, მიღება-ჩაბარების აქტის გაფორმების შემდეგ.

4.3. მიღება-ჩაბარების აქტს „შემსყიდველის“ მხრიდან ხელს აწერს შესყიდვების, ქონების მართვისა და ლოჯისტიკის დეპარტამენტის დირექტორი მამუკა კუპრაძე, ხოლო „მიმწოდებლის“ მხრიდან სპეციალური რისკების მენეჯერი ლევან შანიძე.

მუხლი 5. ხელშეკრულების ღირებულება და ანგარიშსწორების წესი

5.1. წინამდებარე ხელშეკრულებით გათვალისწინებული მომსახურების ჯამური ღირებულება შეადგენს **2399,00 (ორიათას სამას ოთხმოცდაცხრამეტი)** ლარს, რომელიც მოიცავს მომსახურების სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს („ხელშეკრულების ღირებულება“).

5.2. ერთი თვის მომსახურების ღირებულაა 199,92 (ას ოთხმოცდაცხრამეტი ლარი და ოთხმოცდათორმეტი თეთრი) ლარი.

5.3. ანგარიშსწორება ხორციელდება ერთჯერადად, ფაქტიურად გაწეული მომსახურების ღირებულების შესაბამისად, 20 დღის განმავლობაში დაზღვევის პოლისის, მიღება - ჩაბარების აქტის და შესაბამისი ინვოისის შემსყიდველისათვის მიწოდების თარიღიდან (იმისდამიხედვით, რომელი უფრო გვიან მოხდება) უნაღდო ანგარიშსწორების წესით, საქართველოს ეროვნულ ვალუტაში, „მიმწოდებლის“ წინამდებარე ხელშეკრულებაში მითითებულ საბანკო რეკვიზიტებზე.

მუხლი 6. მხარეთა უფლება-მოვალეობები.

6.1. შემსყიდველი უფლებამოსილია:

6.1.2. მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას გაწეული მომსახურება.

6.1.3. მოითხოვოს მიმწოდებლისგან ხელშეკრულების ყველა პუნქტის შესრულება.

6.2. შემსყიდველი ვალდებულია:

6.2.1. გადაუხადოს მიმწოდებელს გაწეული მომსახურების ღირებულება ხელშეკრულებით გათვალისწინებული პირობების შესაბამისად;

6.2.2. შეატყობინოს მიმწოდებელს უტყუარი ინფორმაცია, რომელსაც მნიშვნელობა აქვს სადაზღვევო რისკის სახისა და ხარისხის განსაზღვრისათვის;

6.2.3. მიმწოდებლის წარმომადგენლის (აგრეთვე შსს ორგანოების წარმომადგენლის/სხვა სახ. ორგანოების) შემთხვევის ადგილზე გამოცხადებამდე არ მოახდინოს ზიანის დადგომის მომენტში არსებული ვითარების შეცვლა (გარდა იმ შემთხვევებისა, როდესაც ეს აუცილებელია ზარალის ოდენობის შემცირების ან ზიანის შემდგომი განვითარების თავიდან აცილების მიზნით);

6.2.4. მესამე პირების (მესამე პირებში არ მოიზრება საპატრულო პოლიცია) წინაშე არ აიღოს სადაზღვევო შემთხვევასთან დაკავშირებული პასუხისმგებლობა მიმწოდებელთან წერილობითი შეთანხმების გარეშე;

6.2.5. აცნობოს მიმწოდებელს ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

6.2.6. მიაწოდოს მიმწოდებელს აუცილებელი ცნობები/დოკუმენტები სახელმწიფო ორგანოებიდან ან ნებისმიერი სხვა უწყებიდან დამდგარ სადაზღვევო შემთხვევასთან დაკავშირებით.

შემსყიდველი

მიმწოდებელი



6.2.7. ხელი შეუწყოს მიმწოდებელს სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებაში და მიმწოდებლის მოთხოვნის შესაბამისად წარუდგინოს მას შესაბამისი დოკუმენტაცია;

6.2.8. გადასცეს მიმწოდებელს დაზიანებულ ქონებაზე საკუთრების უფლება, იმ შემთხვევაში, როდესაც მიმწოდებლის მიერ ანაზღაურდება დაზიანებული ქონების შეცვლა.

6.3. მიმწოდებელი ვალდებულია:

6.3.1. ხელშეკრულების გაფორმებისთანავე უზრუნველყოს შემსყიდველისთვის სადაზღვევო პოლისის მიწოდება.

6.3.2. ჯეროვნად, კეთილსინდისიერად, დათქმულ დროსა და ადგილას უზრუნველყოს შემსყიდველი ხელშეკრულებით გათვალისწინებული მომსახურებით.

6.4 მიმწოდებელი უფლებამოსილია:

6.4.1. გაწეული მომსახურების სანაცვლოდ მიიღოს ხელშეკრულებით გათვალისწინებული მომსახურების ღირებულება.

6.4.2. განაცხადოს უარი ხელშეკრულების შესრულებაზე ან მის გაგრძელებაზე, შემსყიდველის მიერ სახელშეკრულებო პირობების შეუსრულებლობის გამო.

6.4.3. გასცეს სადაზღვევო ანაზღაურება დამდგარი ზარალის პროპორციულად სადაზღვევო თანხის ჯამურ სადაზღვევო თანხასთან შეფარდების პროპორციულად, იმ შემთხვევაში თუ ასანაზღაურებელი სადაზღვევო შემთხვევა დაზღვეულია სხვა სადაზღვევო პოლისით (ორმაგი დაზღვევა).

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,1 %-ოდენობით.

7.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

7.3. მიმწოდებლის მიერ ხელშეკრულების ცალმხრივად შეწყვეტის შემთხვევაში, რაც არ არის გამოწვეული მეორე მხარის მიერ ხელშეკრულებით ნაკისრი ვალდებულებების დარღვევით, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.



მიმწოდებელი

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის თაობაზეც, მეორე მხარეს უნდა აცნობოს ხელშეკრულების შეწყვეტამდე არაუგვიანეს 5 (ხუთი) კალენდარული დღით ადრე.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.5. ხელშეკრულების შეწყვეტა არ ათავისუფლებს მხარეებს ვადადამდგარი ვალდებულებების შესრულებისაგან.

8.6. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.7 ხელშეკრულების შეწყვეტის შემთხვევაში გამოუმუშავებელი პრემია (გაუწვევლი მომსახურების ღირებულება) ექვემდებარება შემსყიდველისათვის დაბრუნებას დანართი N 2-ის შესაბამისად.

მუხლი 9. სუბროგაციის უფლება

9.1. სადაზღვევო ანაზღაურების გაცემის შემდეგ მზღვეველზე გადადის სუბროგაციის პრინციპით ანაზღაურების მოთხოვნის უფლება, რომელიც დამზღვევს/მოსარგებლეს გააჩნია მიყენებულ ზიანზე პასუხისმგებელი პირის მიმართ.

9.2. დამზღვევი/მოსარგებლე ვალდებულია ხელი შეუწყოს და გადასცეს მზღვეველს ყველა მასთან არსებული დოკუმენტი და მიიღოს ყველა ზომა, რათა მოხდეს მზღვეველის ამ მუხლით განსაზღვრული უფლების რეალიზება.

9.3. დამზღვევის/მოსარგებლის მიერ ამ მუხლის შეუსრულებლობის შემთხვევაში მზღვეველს უფლება აქვს უარი თქვას სადაზღვევო ანაზღაურების გაცემაზე ან მოითხოვოს გაცემული თანხის უკან დაბრუნება.

მუხლი 10. ფორს-მაჟორი

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

შემსყიდველი

მიმწოდებელი



მუხლი 11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს საერთო სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

12.1 ხელშეკრულება ძალაში შედის 2016 წლის 1 იანვრიდან და მოქმედებს 2017 წლის 31 იანვრის ჩათვლით.

მუხლი 13. ხელშეკრულების დანართები

13.1 წინამდებარე ხელშეკრულებას დანართის სახით თან ერთვის:

113.1.1. ფასთა ცხრილი - დანართი N1;

13.1.1. დაზღვევის პირობები - დანართი N2

მუხლი 14. ზოგადი დებულებები

14.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

14.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

14.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

15. მხარეთა რეკვიზიტები:

„შემსყიდველი“

სსიპ საქართველოს ენერგეტიკისა და
წყალმომარაგების მარეგულირებელი
ეროვნული კომისია

ს/კ: 204400200

მის: ქ. თბილისი მიცკევიჩის ქ. 19

სს „ბანკი რესპუბლიკა“

ბანკის კოდი REPLGE22

ა/აGE10BR0000010173604873

აღმასრულებელი დირექტორის მოადგილე



„მიმწოდებელი“

სს „სადაზღვევო კომპანია ქართუ“

მისამართი: ქ. თბილისი, ჭავჭავაძის გამზ.
№39ა

საიდენტიფიკაციო კოდი: 204970031

მომსახურე ბანკი: ს/ს „ბანკი ქართუ“

ბანკის კოდი: CRTUGE22

ანგარიშის ნომერი:

GE45CR0000000000533602

გენერალური დირექტორი


არჩილ მამაცაშვილი



ფასების ცხრილი

N	დასაზღვევი ქონება	უძრავი ქონების საბალანსო ღირებულება (ლარი)	შენობის ფართობი	სადაზღვევო მომსახურების ფასი ერთ თვეზე (ლარი)	რაოდენობა (თვე)	საერთო ფასი (ლარი)
1	ადმინისტრაციული შენობა- ნაგებობა	2 927 813,56	2,866 კვ.მ.	199,92	12	2 399,00
სულ ჯამში				199,92	-	2 399,00

არჩილ მამაცაშვილი
გენერალური დირექტორი



ტექნიკური პირობები და დაზღვევის პირობები

1. ტექნიკური პირობები

შესყიდვის ობიექტი: უძრავი ქონების (შენობის) დაზღვევის მომსახურება შემდეგ მისამართზე არსებულ შენობაზე: ქ. თბილისი, მიცვევიძის ქ. N19.

სადაზღვევო მომსახურების გაწევის ვადები: 2016 წლის 01 იანვრიდან - 2016 წლის 31 დეკემბრის ჩათვლით.

სადაზღვევო რისკები:

- ✓ ხანძარი (მათ შორის მოკლე ჩართვით გამოწვეული);
- ✓ აფეთქება, მეხის დაცემა;
- ✓ წყალდიდობა;
- ✓ თვითმფრინავის ან სხვა საჰაერო ტრანსპორტის ან მათი ნაწილების ჩამოვარდნა;
- ✓ უხთოვლიანობა;
- ✓ მიწისძვრა;
- ✓ შტორმი; ქარიშხალი;
- ✓ წყალგაყვანილობის სისტემის მწყობრიდან უეცარი და მოულოდნელი გამოსვლა;
- ✓ ქურდობა; ძარცვა; ყაჩაღობა ან მათი მცდელობა;
- ✓ ნიადაგის ჩამოშლა; მეწყერი;
- ✓ მესამე მხარის მიერ განზრახ მიყენებული ზიანი, სატრანსპორტო, მათ შორის მცურავი საშუალებების შეჯახებით მიყენებული ზიანი;

- ფრანშიზა: მინიმუმ 3,000.00 (სამი ათასი) ლარი;
- ფრანშიზა სტიქიური უბედურებისას: 5,000.00 (ხუთი ათასი) ლარი;

დაზღვევის მოქმედების არეალი – საქართველო.



2. ქონების დაზღვევის წესები

1. ზოგადი დებულებები.

- 1.1. ამ წესებისა და საქართველოს კანონმდებლობის სრული დაცვით შპს „დაზღვევის კომპანია ქართუ“ (შემდგომში „მზღვეველი“), დებს ხელშეკრულებებს ფიზიკური და იურიდიული პირების (შემდგომში „დამზღვევი“) ქონების დაზღვევის შესახებ.
- 1.2. ნებისმიერი დოკუმენტი (დანართი) რომელიც თან ერთვის წინამდებარე დოკუმენტს და ხელმოწერილია მხარეთა მიერ, ჩაითვლება ამ წესების განუყოფელ ნაწილად.

2. გამოყენებული ტერმინების განმარტებები.

მზღვეველი

შპს „დაზღვევის კომპანია ქართუ“

დამზღვევი

ფიზიკური ან იურიდიული პირი, რომელიც წინამდებარე წესების შესაბამისად აზღვევს ქონებას და იხდის სადაზღვევო პრემიას.

მოსარგებლე

დამზღვევის მიერ დასახელებული და სადაზღვევო პოლისში დაფიქსირებული პირი, რომელიც უფლებამოსილია სადაზღვევო ანაზღაურების მიღებაზე წინამდებარე წესების საფუძველზე. დაზღვევის მოქმედების პერიოდში დამზღვევი უფლებამოსილია შეცვალოს დასახელებული მოსარგებლე სადაზღვევო შემთხვევის დადგომამდე.

სადაზღვევო პოლისი

მზღვეველის მიერ გაცემული დაზღვევის ხელშეკრულების დამადასტურებელი საბუთი.

სადაზღვევო შემთხვევა

ხდომილება, რომლის დადგომისას წარმოიშობა მზღვეველის პასუხისმგებლობა გადაუხადოს დამზღვევს/მოსარგებლეს სადაზღვევო ანაზღაურების თანხა.

სადაზღვევო რისკი

მოვლენა, რომელმაც შეიძლება გამოიწვიოს სადაზღვევო შემთხვევა.

სადაზღვევო პრემია

თანხა, რომელიც წარმოადგენს დაზღვევის საფასურს.

დაზღვევის პერიოდი

დაზღვევის მოქმედების პერიოდი, რომელიც მითითებულია სადაზღვევო პოლისში.

სადაზღვევო თანხა

სადაზღვევო პოლისში მითითებული თანხა, რომელიც წარმოადგენს მზღვეველის პასუხისმგებლობის მაქსიმალურ ოდენობას.



სადაზღვევო თანხის კორექტულად წარმოდგენის პასუხისმგებლობა ეკისრება დამზღვევს.

ფრანშიზა

ზარალის ნაწილი, რომელსაც მზღვეველი არ აანაზღაურებს.

ფრანშიზის ოდენობა შეიძლება განისაზღვროს როგორც დაზღვეული ქონებისათვის მთლიანად, ისე თითოეული დაზღვეული ობიექტისათვის და/ან კონკრეტული სადაზღვევო შემთხვევისათვის და მიეთითება სადაზღვევო პოლისში.

პირობითი (დაუქვითავი) ფრანშიზის შემთხვევაში მზღვეველი არ არის პასუხისმგებელი ზარალზე, რომლის ოდენობა არ ღემატება ფრანშიზას, მაგრამ მზღვეველი აანაზღაურებს ზარალს მთლიანად, თუ მისი ოდენობა გადააჭარბებს ფრანშიზას.

უპირობო (დასაქვითი) ფრანშიზის შემთხვევაში ყოველი ზარალი ანაზღაურდება ფრანშიზის თანხის გამოკლებით.

მოქმედების არეალი

სადაზღვევო პოლისში მითითებული ტერიტორიული ფარგლები და/ან მისამართი, სადაც განთავსებულია დაზღვეული ქონება.

დაზღვევა არ ვრცელდება იმ ქონებაზე, რომელიც ტოვებს დაზღვევის მოქმედების არეალს, თუ კონკრეტული ხელშეკრულებით სხვა რამ არ არის გათვალისწინებული.

ანაზღაურების მოთხოვნა

დამზღვევის მიერ მზღვეველისათვის გაკეთებული წერილობითი შეტყობინება სადაზღვევო შემთხვევის დადგომისა და სადაზღვევო ანაზღაურების მოთხოვნის შესახებ.

მოთხოვნის დაკმაყოფილების აქტი

დოკუმენტი, რომელიც ადასტურებს მზღვეველის მიერ სადაზღვევო შემთხვევის აღიარებას და წარმოადგენს სადაზღვევო ანაზღაურების გაცემის საფუძველს.

3. დაზღვევის ობიექტი



3.1. დაზღვევას ექვემდებარება დამზღვევის კუთვნილი/კანონიერ სარგებლობაში არსებული ქონება, რომელიც იმყოფება (მდებარეობს) დაზღვევის ხელშეკრულებაში მითითებულ მისამართზე, თუ სხვა რამ არ არის გათვალისწინებული ხელშეკრულების განსაკუთრებული პირობებით.

3.2. წინამდებარე წესების საფუძველზე დაზღვევის ობიექტს წარმოადგენს დამზღვევის საკუთრებაში ან კანონიერ სარგებლობაში არსებული უძრავი და მოძრავი ქონება: შენობა-ნაგებობები (საცხოვრებელი, სააგარაკო, სამეურნეო ნაგებობა, საწარმოო, ადმინისტრაციული, სოციალურ-კულტურული დანიშნულების შენობა-ნაგებობები), საცხოვრებელი ფართი მრავალბინიან შენობებში მათი განუყოფელი კონსტრუქციული ელემენტების ჩათვლით (იგულისხმება ნებისმიერი სახის წყალგაყვანილობის, გაზგაყვანილობის, ელექტროსისტემები და სხვა), ინვენტარი (ავეჯი, საყოფაცხოვრებო ელექტრო მოწყობილობები, ელ.ტექნიკა, კომპიუტერები, აპარატურა), საკომუნიკაციო მოწყობილობები (სისტემები, აპარატები), საწარმოო და ტექნოლოგიური ხაზები, მანქანა-დანადგარები (ჩარხები, საწარმოო-ტექნიკური დანიშნულების მექანიზმები და მოწყობილობები), პროდუქცია, სასაქონლო მარაგები, სხვა მატერიალური ნივთები.

დაზღვევის ობიექტების კონკრეტული ჩამონათვალი განისაზღვრება მხარეთა ურთიერთშეთანხმებით.

3.3. თუ კონკრეტული ხელშეკრულებით სხვა რამ არ არის გათვალისწინებული, დაზღვევას არ ექვემდებარება: ნაღდი ფული, მონეტები, ობლიგაციები და სხვა ფასიანი ქაღალდები, ხელნაწერები, ნახაზები, სხვა დოკუმენტები, ბუღალტრული და საქმიანი წიგნები, მოდელები, მაკეტები, ნიმუშები, ძვირფასი ლითონები და მათი ნაწარმი, ნახატები, მარკები, სურათები, ძეგლები ან სხვა სახის კოლექციები, ხელოვნების ნიმუშები, ანტიკვარიატი, სავაჭრო ავტომატები, ფულის გადამცვლელები და მათი შიგთავსი, კომპიუტერისა და სხვა სახის ანალოგიურ სისტემებში არსებული ტექნიკური საინფორმაციო საშალებები (მაგნიტური ბლოკი, მაგნიტური ფირი, საინფორმაციო ბლოკი და ინფორმაციის სხვა მატარებლები), ასაფეთქებელი ნივთიერებები, ელექტრო გადამცემი და გამანაწილებელი ხაზები, ავტობიოქიმიური ობიექტები (ქიმიური და ნავთობგადამამუშავებელი ქარხნები), შახტები, ცხოველები, ფრინველები, სატრანსპორტო საშუალებები (გარდა იმ შემთხვევისა, როდესაც სატრანსპორტო საშუალება ეზღვევა, როგორც ქონება ავტო-მაღაზიაში ან დაკეტილ სადგომში), ნარგავები, მარცვლოვანი კულტურები, შესანახად მიბარებული ქონება.

წინამდებარე პუნქტში ჩამოთვლილი ქონების დაზღვევა შესაძლებელია მხოლოდ მხარეთა შეთანხმებით, სპეციალურად განსაზღვრული პირობებით.

4. სადაზღვევო რისკები. სადაზღვევო შემთხვევა.

4.1. მხარეთა შეთანხმებით, წინამდებარე წესებით შეიძლება დაიფაროს შემდეგი რისკები:

4.1.1. ხანძარი, აფეთქება, მეხის დაცემა, საფრენი აპარატის ან მისი ნაწილის ჩამოვარდნა დაზღვეულ ობიექტზე.

ხანძარი ღია ცეცხლი, რომელიც დამოუკიდებლად ვრცელდება მას შემდეგ, რაც გაჩნდა ცეცხლისათვის განკუთვნილი ადგილიდან განსხვავებულ ადგილას ან თვითნებურად გასცდა ამ ადგილს.



ამ წესებით, დაზღვევით არ დაიფარება ზარალი, რომელიც წარმოიქმნება დაზღვეული ქონების ცეცხლით დამუშავებისას, სითბური ან სხვაგვარი თერმული ზემოქმედების შედეგად, ქონების ბუნებრივი თვისებებიდან გამომდინარე თვითაალების შედეგად.

აფეთქება აირის ან ორთქლის წნევის ძალის უეცარი დამანგრეველი გამოვლინება, არამდგრადი სისტემის სწრაფი ქიმიური რეაქცია, რასაც მოყვება ობიექტის გარე კედლების რღვევა/დაშლა.

რეზერვუარის (საქვების, მილსადენის და ა.შ) აფეთქებად ითვლება მხოლოდ მოვლენა, რომლის დროსაც რეზერვუარის კედლები აღმოჩნდება იმდენად დაზიანებული, რომ გამოიწვევს შიდა და გარე წნევის გათანაბრებას. თუ აფეთქება მოხდება რეზერვუარის შიგნით, სწრაფი ქიმიური რეაქციის გამო, ზარალი ანაზღაურდება რეზერვუარის კედლების დაურღვევლობის შემთხვევაშიც.

ამ წესებით, დაზღვევით არ იფარება ზარალი, რომელიც გამოწვეულია რეზერვუარში არსებული ვაკუუმით, ან გაიშვიათებული გაზით.

ამ წესებით, დაზღვევით არ იფარება ზარალი, რომელიც მიყენებულია შიდა წვაზე მომუშავე მანქანა-დანადგარების მექანიზმების წვის კამერებში მომხდარი აფეთქებით.

ამ პირობით დაზღვევით არ იფარება ზარალი, რომელიც გამოწვეულია ელექტროგამანაწილებელი მოწყობილობის მრიცხველში გაზის წნევის ცვლილებით.

4.1.2. **სტიქიური უბედურებები** – მიწისძვრა, ქარიშხალი, გრიგალი, სეტყვა, შტორმი, მეწყერი, წყალდიდობა, მდინარეების ადიდება, უხვთოვლიანობა, კოკისპირული წვიმა, ქვისცვენა, ზვავი.

4.1.3. **წყლით დაზიანება** – წყალსადენების, გასათბობი, ხანძარსაწინააღმდეგო, საკანალიზაციო სისტემების უეცრად მწყობრიდან გამოსვლა; წყლის შემოჭრა მეზობელი სადგომებიდან, მიწისქვეშა წყლების გამოსვლა.

4.1.4. **მესამე პირების მიერ მიყენებული ზარალი** – ქურდობა, ძარცვა, ყაჩაღობა, მესამე პირების მართლსაწინააღმდეგო ქმედება.

ამ წესებით, დაზღვევა ფარავს დაზღვეულ შენობა-ნაგებობაში მხოლოდ ძალადობით და ძალისმიერი მეთოდებით შეღწევას, როდესაც შესვლის ადგილზე არსებობს ამგვარი, აშკარა ნიშნები და ამ ქმედების შემდეგ დაკარგულია ან დაზიანებულია დაზღვეული ობიექტები.

ამ პირობით დაზღვევით არ იფარება ეზოში ან ღია ცის ქვეშ მდებარე/დატოვებული ნებისმიერი დაზღვეული ქონებისათვის მიყენებული ზარალი.



მხარეთა დამატებითი შეთანხმებით, დაზღვევა შეიძლება გავრცელდეს ქვემოთჩამოთვლილ რისკებზე:

4.1.5. სატრანსპორტო საშუალებების შეჯახება – ნებისმიერი სახის სატრანსპორტო საშუალების შეჯახება დაზღვეულ ქონებაზე, ან სატრანსპორტო საშუალებებიდან გადმოვარდნილი ობიექტებით მიყენებული ზარალი. ამ წესებით, დაზღვევით არ იფარება ზარალი, რომელიც გამოწვეულია დამზღვევის ან მოსარგებლის ოჯახის წევრების მიერ სატრანსპორტო საშუალებების მართვისას;

4.1.6. მინების მსხვერვა – დაზღვეულ შენობა-ნაგებობაში მუდმივად ჩასმული მინების, ვიტრინების, სარკეების დაზიანება ან განადგურება;

ამ წესებით, დაზღვევით არ იფარება რემონტის მსვლელობის დროს, დამატებითი დეტალების დამონტაჟებისას, ჩარჩოს გამოცვლის ან შეკეთებისას მინების, ვიტრინების, სარკეების დაზიანება;

ამ წესებით, დაზღვევით არ იფარება მინების, ვიტრინების, სარკეების დაზიანება ჩარჩოს გაფუჭების ან დეფორმაციის გამო. ამ პირობით არ იფარება ხელის სარკეების, მინის ჭურჭლის, გასანათებელი მოწყობილობების დაზიანება;

მზღვევლის მიერ არ ანაზღაურდება მინების, ვიტრინების, სარკეების გამოცვლის ხარჯები;

4.2. წინამდებარე წესებით სადაზღვევო შემთხვევად განიხილება დაზღვევის მოქმედების პერიოდში მომხდარი ხდომილება, რომლის საფუძველზეც წარმოიშვება მზღვევლის პასუხისმგებლობა გადაუხადოს მოსარგებლეს სადაზღვევო ანაზღაურება.

4.3. სადაზღვევო შემთხვევად განიხილება მხოლოდ დაზღვეული რისკების შედეგად დაზღვეული ქონებისათვის მიყენებული ზიანი.

4.4. დამზღვევი უფლებამოსილია საკუთარი სურვილით აირჩიოს დაზღვეული რისკების ნებისმიერი კომბინაცია.

5. ძირითადი გამონაკლისები.

5.1. სადაზღვევო შემთხვევად არ ჩაითვლება და არ ანაზღაურდება ზიანი (ზარალი) გამოწვეული შემდეგი გარემოებებით:

5.1.1. ნებისმიერი სახის საომარი მოქმედებები (მიუხედავად იმისა, გამოცხადებულია თუ არა საომარი მდგომარეობა), სამოქალაქო მღელვარება, ამბოხება, შეიარაღებული კონფლიქტი, გაფიცვა, სამხედრო გადატრიალება, რევოლუცია, კონფისკაცია, დაპატიმრება/დაყადაღება, სამხედრო ან სამოქალაქო ხელისუფლების განკარგულებით ქონების დაზიანება ან განადგურება, ტერორისტული აქტი, პოლიტიკური მოტივით მოქმედი ნებისმიერი პირის ან პირთა ჯგუფის ქმედებები;

5.1.2. გარემოს დაზინძურება, იონიზირებული რადიაცია, თერმობირთვული საწვავის ან ნებისმიერი ბირთვული ნარჩენებით განპირობებული ზიანი, რადიოაქტიური დაზინძურება;



- 5.1.3. დამზღვევის ან მოსარგებლის მიერ დანაშაულის განზრახ ჩადენა, რომელიც პირდაპირ მიზეზობრივ კავშირშია სადაზღვევო შემთხვევასთან;
- 5.1.4. დამზღვევის ან მოსარგებლის განზრახ ან უხეში გაუფრთხილებლობით, რომელიც პირდაპირ ან ირიბად მიმართული იყო სადაზღვევო შემთხვევის დადგომის გამოსაწვევად;
- 5.1.5. დამზღვევის მიერ მზღვეველისათვის დასაზღვევი ქონების შესახებ მცდარი ინფორმაციის მიწოდებით;
- 5.1.6. დაზღვეული ქონების დეფექტები და ნაკლოვანებები, რომელიც დამზღვევისათვის ცნობილი იყო დაზღვევის გაფორმებამდე;
- 5.1.7. დაზღვეული ქონების ქირავნობის ან იჯარის ხელშეკრულებით, აგრეთვე სასწავლო, კვლევითი ან სპორტული მიზნებით მზღვეველთან წინასწარი შეთანხმების გარეშე გამოყენების შედეგად;
- 5.1.8. არ არსებობს სადაზღვევო შემთხვევის დადგომის დამადასტურებელი ოფიციალური დოკუმენტები;
- 5.1.9. დაზღვეული ქონების გასხვისებისას იმ შემთხვევაში, თუ გასხვისების შესახებ მზღვეველს არ მიუღია ამის შესახებ შეტყობინებინება ქონების გასხვისებიდან 3 დღის ვადაში და სადაზღვევო შემთხვევას ადგილი ქონდა მზღვეველის მიერ გასხვისების შესახებ შეტყობინების მიღებამდე;
- 5.1.10. თუ აღმოჩნდება, რომ დაზღვეული ქონება მზღვეველთან წინასწარი შეთანხმების გარეშე დაზღვეულია სხვა სადაზღვევო კომპანიაშიც;

6. სადაზღვევო თანხა. სადაზღვევო პრემია.

- 6.1. სადაზღვევო თანხა არის სადაზღვევო პოლისში დაფიქსირებული დაზღვეული ქონების ღირებულება და წარმოადგენს მზღვეველის პასუხისმგებლობის მაქსიმალურ ოდენობას.

სადაზღვევო თანხა წარმოადგენს სადაზღვევო პრემიის (შესატანის) და სადაზღვევო ანაზღაურების ოდენობის განსაზღვრის საფუძველს.

- 6.2. სადაზღვევო თანხის დადგენა ხდება მხარეთა შეთანხმებით. ნებისმიერ შემთხვევაში, სადაზღვევო თანხა არ შეიძლება აღემატებოდეს დასაზღვევი ქონების აღდგენით/ჩანაცვლებით ღირებულებას დაზღვევის ხელშეკრულების დადების თარიღისათვის. სადაზღვევო თანხა არ შეიძლება წარმოადგენდეს დამზღვევის უსაფუძვლო გამდიდრების წყაროს.

მხარეებს არ შეუძლიათ იდავონ დაზღვევის ხელშეკრულების დადებისას დადგენილი სადაზღვევო ღირებულების თაობაზე, გარდა, იმ შემთხვევისა, როდესაც მზღვეველი დაამტკიცებს დამზღვევის მიერ მის განზრახ შეცდომაში შეყვანას.

სადაზღვევო თანხის განსაზღვრა ხდება თითოეული დაზღვეული ობიექტისათვის ცალ-ცალკე ან ყველა ობიექტისათვის ჯამურად.

- 6.3. სადაზღვევო პრემიის (შესატანის) გამოთვლა ხდება სადაზღვევო თანხის გამრავლებით შესაბამის ტარიფზე. სადაზღვევო ტარიფის განსაზღვრა ხდება მზღვეველის მიერ, კონკრეტული დასაზღვევი ობიექტის ტიპის, სპეციფიკაციის, რისკის ხარისხის მაჩვენებლების და სხვა გარემოებების გათვალისწინებით.



ერთ წელიწადზე ნაკლები ვადით დაზღვევის შემთხვევაში, სადაზღვევო პრემიის (შესატანის) ოდენობა გამოითვლება მოკლევადიანობის კოეფიციენტის გამოყენებით, კერძოდ, სტანდარტულ შემთხვევებში 1/8-ით.

- 6.4. სადაზღვევო პრემიის (შესატანის) გადახდის წესი და პირობები განისაზღვრება მხარეთა მიერ და ფიქსირდება სადაზღვევო პოლისში.
- 6.5. დამზღვევის მიერ სადაზღვევო პრემიის (შესატანი) ან მისი ნაწილის გადაუხდელობის შემთხვევაში, დაზღვევა შეჩერებული იქნება ვადის გადაცილებიდან 2 (ორი) კვირის გასვლის შემდეგ, მზღვეველის შეტყობინების (წერილობით, ელექტრონული/ციფრული საშუალებით, მოკლე ტექსტური შეტყობინებით და სხვა) საფუძველზე. იმ შემთხვევაში თუ სადაზღვევო შემთხვევა მოხდება ამ ორ კვირიანი ვადის გასვლის შემდეგ, მაშინ მზღვეველი თავისუფლდება ნაკისრი ვალდებულებების შესრულებისაგან.
- 6.6. ორკვირიანი ვადის უშედგომად გასვლის შემდეგ ერთთვიანი ვადის დაცვით დაზღვევის ხელშეკრულება შეწყდება, ხოლო სადაზღვევო პოლისი გაუქმდება. ხელშეკრულების შეწყვეტამდე/სადაზღვევო პოლისის გაუქმებამდე სადაზღვევო პრემიის (შესატანი) (ნაწილის) გადახდის შემდგომ დაზღვევა განახლდება გადახდის დღის მომდევნო დღის 24 საათზე.

7. სადაზღვევო ანაზღაურება.

- 7.1. სადაზღვევო შემთხვევის დადგომისას მზღვეველის მიერ სადაზღვევო ანაზღაურების გადახდა ხდება მოსარგებლისათვის ამ წესების/დაზღვევის ხელშეკრულების შესაბამისად.
- 7.2. ამ წესებით, ზარალად გაიგება მატერიალური ზიანი, რომელიც მიადგა დაზღვეულ ქონებას სადაზღვევო შემთხვევის დადგომის გამო.
- 7.3. სადაზღვევო ანაზღაურების ოდენობა შეესაბამება რეალური ზარალის ოდენობას, სადაზღვევო პოლისში განსაზღვრული სადაზღვევო თანხის ფარგლებში. არცერთ შემთხვევაში სადაზღვევო ანაზღაურება არ შეიძლება აღემატებოდეს სადაზღვევო თანხას სადაზღვევო შემთხვევათა სიმრავლისა და სიდიდის მიუხედავად.
- 7.4. სადაზღვევო ანაზღაურების ოდენობის განსაზღვრის საფუძველია:
 - 7.4.1. ქონების დაზიანების შემთხვევაში – ქონების დაზიანებული ნაწილის შეკეთების/აღდგენის ღირებულება ფრანშიზის გათვალისწინებით;
 - 7.4.2. ქონების გატაცების შემთხვევაში – სადაზღვევო პოლისის გაცემის დღისათვის მისი რეალური (საბაზრო) ღირებულება ცვეთისა და ფრანშიზის გათვალისწინებით;
 - 7.4.3. ქონების განადგურების (დაღუპვის) შემთხვევაში – სადაზღვევო პოლისის გაცემის დღისათვის მისი რეალური (საბაზრო) ღირებულება, ცვეთის გათვალისწინებით და შემდგომი გამოყენებისათვის ვარგისი (სალი) ნარჩენების ღირებულების გამოკლებით;
- 7.5. **პროპორციული ანაზღაურების პირობა:** თუ ზარალის დადგომის მომენტისათვის აღმოჩნდება, რომ სადაზღვევო პოლისში მითითებული სადაზღვევო თანხა ნაკლებია დაზღვეული ქონების რეალურ/აღდგენით ღირებულებაზე, სადაზღვევო ანაზღაურების თანხა შემცირდება იმ პროპორციით, რა პროპორციაც არის სადაზღვევო თანხასა და რეალურ/აღდგენით ღირებულებას შორის.



ეს პირობა ეხება ასევე ნებისმიერ ცალკეულ დაზღვეულ ობიექტსაც.

7.6. შეკეთების/აღდგენის ხარჯები გულისხმობს:

ა) შეკეთების/აღდგენისათვის აუცილებელი მასალებისა და სათადარიგო ნაწილების რეალურ ღირებულებას;

ბ) შესაკეთებლად/აღსადგენად გასაწევი სამუშაოების ხარჯებს.

არცერთ შემთხვევაში სადაზღვევო ანაზღაურება არ მოიცავს ქონების დაზღვევამდე არსებული მდგომარეობის გაუმჯობესების ხარჯებს;

7.7. ქონების შეკეთების/აღდგენის ხარჯებში არ ჩაითვლება:

ა) ქონების ტექნიკური მომსახურებისა და საგარანტიო შეკეთების ღირებულება;

ბ) ქონების რეკონსტრუქციის, რემონტის (თუ რემონტის აუცილებლობა გამოწვეული არ არის სადაზღვევო შემთხვევით) ხარჯები. ასევე, ცალკეული ობიექტების, ნაწილების, დეტალების გაცვეთის, ტექნიკური წუნის, ამორტიზაციის გამო გასაწევი აუცილებელი ხარჯები;

გ) ამა თუ იმ ნაწილების, დეტალების და მოწყობილობების შეცვლის (მათი შეკეთების ნაცვლად) სამუშაოების ღირებულება, რაც გამოწვეული იყო სარემონტო სამუშაოებში მათი შეკეთებისათვის აუცილებელი ცალკეული სათადარიგო ნაწილების და დეტალების არქონით;

7.8. სადაზღვევო ანაზღაურების გაანგარიშებაში ქონების დაზიანებული ნაწილების, ცალკეული დეტალების და მოწყობილობების შეცვლის ღირებულება ჯდება მხოლოდ იმ შემთხვევაში, თუ ამ ობიექტების შემდგომი გამოყენებისათვის ვარგის მდგომარეობაში მოსაყვანად შეკეთება შეუძლებელია.

7.9. ზარალის თანხის დადგენა ხდება დაზღვევისა და მზღვეველის მიერ.

ერთ-ერთი მხარის მოთხოვნით, ზარალის ოდენობის დადგენა შეიძლება მოხდეს დამოუკიდებელი ექსპერტის მიერ. ამ შემთხვევაში, ექსპერტის მომსახურების ხარჯებს საკუთარ თავზე აიღებს მისი მომწვევი მხარე.

7.10. დაზიანებული ქონების შეკეთების/აღდგენის პროცესში გამოვლენილი ფარული დეფექტების აღმოფხვრის ხარჯები შევა სადაზღვევო ანაზღაურების თანხაში შემდეგ შემთხვევებში:

ა) თუ დაზღვევი დამატებით მიმართავს მზღვეველს ამ ხარჯების ანაზღაურების მოთხოვნით შეკეთების პროცესის დასრულებამდე;

ბ) თუ აღმოჩენილი ფარული დეფექტები გამოწვეულია სადაზღვევო შემთხვევის დადგომის პირდაპირი ან ირიბი შედეგებით;

7.11. სადაზღვევო ანაზღაურების გაცემის საფუძველია მზღვეველის მიერ შედგენილი და ხელმოწერილი მოთხოვნის დაკმაყოფილების აქტი. წინამდებარე წესების საფუძველზე მზღვეველი იღებს ვალდებულებას შეადგინოს მოთხოვნის დაკმაყოფილების აქტი ან გასცეს მოტივირებული წერილობითი უარი სადაზღვევო



- ანაზღაურების გადახდაზე დამზღვევის/მოსარგებლის მიერ ყველა აუცილებელი დოკუმენტის წარდგენიდან 15 სამუშაო დღის ვადაში, თუ ხელშეკრულებით სხვა ვადა არ არის გათვალისწინებული.
- 7.12. სადაზღვევო ანაზღაურების გადახდა ხდება მზღვეველის მიერ მოთხოვნის დამკაყოფილების აქტის ხელმოწერიდან არაუგვიანეს 30 საბანკო დღისა, თუ ხელშეკრულებით სხვა ვადა არ არის გათვალისწინებული.
- 7.13. სადაზღვევო ანაზღაურების მისაღებად დამზღვევმა/მოსარგებლემ უნდა წარუდგინოს მზღვეველს:
- ა) კომპეტენტური სახელმწიფო ორგანოს/ორგანოების (სახანძრო სამსახურის, პოლიციის და ა.შ) მიერ გაცემული ოფიციალური დოკუმენტ(ებ)ი სადაზღვევო შემთხვევის დადგომის, მიზეზებისა და გარემოებების შესახებ;
 - ბ) სადაზღვევო პოლისის/ხელშეკრულების ორიგინალი ან მზღვეველის მიერ შესაბამისი წესით გაცემული დუბლიკატი (ასლი);
- 7.14. კონკრეტული გარემოებებიდან გამომდინარე, მზღვეველი უფლებამოსილია მოითხოვოს დამზღვევისაგან სადაზღვევო შემთხვევის დადგომის ფაქტთან დაკავშირებული სხვა დოკუმენტები.
- 7.15. სადაზღვევო ანაზღაურების გადახდის შემდეგ სადაზღვევო თანხა მცირდება გადახდილი სადაზღვევო ანაზღაურების თანხის შესაბამისად.
- 7.16. ნებისმიერ შემთხვევაში, სადაზღვევო პერიოდის განმავლობაში მომხდარ ყველა სადაზღვევო შემთხვევაზე სადაზღვევო ანაზღაურება გაიცემა სადაზღვევო პოლისში დაფიქსირებული სადაზღვევო თანხის ფარგლებში.
- 7.17. სადაზღვევო ანაზღაურების გაცემის შემდეგ, მზღვეველის თანხმობის შემთხვევაში დამზღვევი უფლებამოსილია დამატებითი სადაზღვევო პრემიის (შესატანის) გადახდის საფუძველზე აღადგინოს საწყისი სადაზღვევო თანხა.
- 7.18. თუ სადაზღვევო ანაზღაურების გადახდის შემდეგ მოსარგებლეს დაუბრუნდა გატაცებული ქონება ან მიყენებული ზარალი აუნაზღაურდა ამ ზარალის მიყენებაზე პასუხისმგებელი პირის მიერ, დამზღვევი ვალდებულია უზრუნველყოს გაცემული სადაზღვევო ანაზღაურების დაბრუნება ან ქონების გადაცემა მზღვეველისათვის.
- 7.19. თუ სადაზღვევო შემთხვევის დადგომისას ქონება დაზღვეულია სხვა კომპანიაში, სადაზღვევო ანაზღაურება გაიცემა პროპორციული წილის შესაბამისად.
- 7.20. თუ შემთხვევის დადგომასთან დაკავშირებულ ფაქტებზე აღძრულია სისხლის სამართლის საქმე, მზღვეველი უფლებამოსილია გადადოს სადაზღვევო ანაზღაურების გაცემის თაობაზე გადაწყვეტილების მიღება გამოძიების დამთავრებამდე ან საბოლოო სასამართლო გადაწყვეტილების გამოტანამდე.
- 7.21. სადაზღვევო ანაზღაურების გადახდა ხდება უნაღდო ანგარიშწორებით ან სხვა, კანონმდებლობით დაშვებული წესით, ურთიერთშეთანხმების საფუძველზე.

8. სადაზღვევო ხელშეკრულება. ხელშეკრულების დადებისა და გაფორმები წესი. ხელშეკრულების შეწყვეტა.

8.1. სადაზღვევო ხელშეკრულება ფორმდება საქართველოს კანონმდებლობის შესაბამისად.

სადაზღვევო ხელშეკრულება წარმოადგენს შეთანხმებას დამზღვევსა და მზღვეველს შორის ქონების დაზღვევის შესახებ, რომლის ძალითაც დამზღვევი ვალდებულია გადაიხადოს სადაზღვევო პრემია (შესატანი) ხელშეკრულებით გათვალისწინებულ



ვადებში და ოდენობით, ხოლო მზღვეველი ვალდებულია გადაიხადოს სადაზღვევო ანაზღაურება ხელშეკრულების და წინამდებარე წესების შესაბამისად.

- 8.2. სადაზღვევო ხელშეკრულების მოქმედების ვადა სტანდარტულად განისაზღვრება 12 თვით თუ ხელშეკრულებით სხვა რამ არ არის გათვალისწინებული.
- 8.3. სადაზღვევო ხელშეკრულების გაფორმებამდე დამზღვევეი ვალდებულია შეატყობინოს მზღვეველს ყველა მისთვის ცნობილი არსებითი გარემოების შესახებ, რომელსაც მნიშვნელობა აქვს რისკის ხარისხის განსაზღვრისათვის. დამზღვევეი ასევე ვალდებულია ზუსტად და უტყუარად უპასუხოს მზღვეველის მიერ მისთვის დასმულ ყველა დამატებით შეკითხვას, რომელიც ეხება რისკის ხარისხისა და მოცულობის განსაზღვრას.
- 8.4. თუ სადაზღვევო ხელშეკრულების გაფორმების შემდეგ აღმოჩნდება, რომ დამზღვევმა მიაწოდა მზღვეველს მცდარი ინფორმაცია, მზღვეველი უფლებამოსილია მოითხოვოს სადაზღვევო ხელშეკრულების შეწყვეტა და გამოიყენოს მისთვის კანონმდებლობით მინიჭებული ყველა უფლება საპასუხო მოქმედების განსახორციელებლად.
- 8.5. დაზღვევა ძალაში შედის ხელშეკრულების დადების დღის 24.00 სთ-ზე.
- 8.6. სადაზღვევო ხელშეკრულების მოქმედება წყდება ხელშეკრულებაში და/ან სადაზღვევო პოლისში ხელშეკრულების მოქმედების დამთავრების თარიღად განსაზღვრული დღის 24.00 საათზე.
- 8.7. ხელშეკრულება თითოეული სადაზღვევო შემთხვევით (გარდა “მესამე პირთა მართლსაწინააღმდეგო ქმედება”), რომლის მიხედვითაც გადახდილია სადაზღვევო ანაზღაურება ინარჩუნებს ძალას ხელშეკრულების მოქმედების ვადის დამთავრებამდე, სადაზღვევო თანხას გამოკლებული უკვე გადახდილი სადაზღვევო ანაზღაურების ოდენობის ფარგლებში.
- 8.8. ხელშეკრულების მოქმედების პერიოდში დამზღვევის მიერ სადაზღვევო პოლისის დაკარგვისას მზღვეველი გასცემს დუბლიკატს. დუბლიკატის გაცემის შემდეგ დაკარგული სადაზღვევო პოლისი ძალადაკარგულად ითვლება და მის საფუძველზე გადახდა არ განხორციელდება.
- 8.9. სადაზღვევო ხელშეკრულება შეიძლება შეიცავდეს დამატებით პირობებს, რომლებიც არ ეწინააღმდეგება საქართველოს კანონმდებლობას, განისაზღვრება მხარეთა მიერ და დასტურდება ხელმოწერით.
- 8.10. სადაზღვევო ხელშეკრულება წყდება შემდეგ შემთხვევაში:
 - 8.10.1. ხელშეკრულებაში მითითებული ვადის გასვლისას;
 - 8.10.2. მზღვეველის მიერ დამზღვევის წინაშე ხელშეკრულებით ნაკისრი ვალდებულებების სრულად შესრულებისას (სადაზღვევო ანაზღაურების სრულად გადახდისას);
 - 8.10.3. დამზღვევის მიერ სადაზღვევო პრემიის (შესატანის) ხელშეკრულებით გათვალისწინებულ ვადაში გადაუხდელობის შემთხვევაში; დამზღვევის სურვილით და მზღვეველის თანხმობით, სადაზღვევო პრემიის (შესატანის) დამატებით ვადაში გადახდის შემთხვევაში შესაძლებელია დაზღვევის ხელშეკრულების აღდგენა დაზღვევის ვადის გაგრძელების გარეშე. ხელშეკრულების ამ პირობით შეწყვეტიდან მისი მოქმედების ვადის აღდგენამდე გასულ პერიოდში მზღვეველი თავისუფალია თავისი ვალდებულებებისაგან;



8.10.4. ერთ-ერთი მხარის მოთხოვნით:

ა) **დამზღვევის** ინიციატივით ხელშეკრულების შეწყვეტისას მას უბრუნდება ხელშეკრულების ვადის გაუსვლელი ნაწილის შესაბამისი სადაზღვევო პრემია (შესატანი) ან მისი გადახდილი ნაწილი მზღვეველის მიერ გაწეული დაზღვევის ხელშეკრულებასთან ან/და მის დადებასთან დაკავშირებული ხარჯების გამოკლებით;

თუ დამზღვევის მოთხოვნა განპირობებულია მზღვეველის მიერ ამ წესებისა და სადაზღვევო ხელშეკრულების პირობების დარღვევით, დამზღვევს სადაზღვევო პრემია (შესატანი) (ან მისი გადახდილი ნაწილი) უბრუნდება მთლიანად;

ბ) **მზღვეველის** ინიციატივით ხელშეკრულების შეწყვეტისას დამზღვევს უბრუნდება გადახდილი სადაზღვევო პრემია (შესატანი) მთლიანად.

თუ მზღვეველის მოთხოვნა განპირობებულია დამზღვევის მიერ ამ წესებისა და სადაზღვევო ხელშეკრულების პირობების დარღვევით, დამზღვევს უბრუნდება ხელშეკრულების ვადის გაუსვლელი ნაწილის შესაბამისი სადაზღვევო პრემია (შესატანი) მზღვეველის მიერ გაწეული დაზღვევის ხელშეკრულებასთან ან/და მის დადებასთან დაკავშირებული ხარჯების გამოკლებით;

იმ შემთხვევაში, თუ დასაბრუნებელი თანხა ვერ ფარავს ზ/აღნიშნულ ხარჯებს, დამზღვევი ვალდებულია დაუბრუნოს მზღვეველს დარჩენილი თანხა, ხელშეკრულების შეწყვეტიდან 5 საბანკო დღის განმავლობაში;

8.10.5. მხარეთა შეთანხმებით;

8.10.6. სასამართლოს გადაწყვეტილებით ხელშეკრულების ძალადაკარგულად ცნობისას;

8.11. ნებისმიერ შემთხვევაში ერთერთი მხარის ინიციატივით ხელშეკრულების ვადაზე ადრე შეწყვეტა დაიშვება მეორე მხარისათვის წერილობითი შეტყობინების საფუძველზე, არანაკლებ 30 კალენდარული დღით ადრე.

8.12. ხელშეკრულების შეწყვეტისას მზღვეველის პასუხისმგებლობა წყდება იმ დღის 24.00 საათზე, რომელიც შეტყობინებაში მითითებულია, როგორც ხელშეკრულების მოქმედების შეწყვეტის თარიღი.

8.13. სადაზღვევო პრემიის (შესატანის) დაბრუნება არ ხდება იმ ხელშეკრულების ვადაზე ადრე შეწყვეტის შემთხვევაში, რომლის მიხედვითაც გადახდილია სადაზღვევო ანაზღაურება ნებისმიერი ოდენობით.

თუ დამზღვევი გამოთქვამს სადაზღვევო ხელშეკრულების შეწყვეტის სურვილს მას შემდეგ, რაც მზღვეველის მიერ გადახდილია სადაზღვევო ანაზღაურება ნებისმიერი მოცულობით და ამასთან, სადაზღვევო ხელშეკრულებით გათვალისწინებულია სადაზღვევო პრემიის მრავალჯერადად გადახდა, დამზღვევი ვალდებულია გადაიხადოს სადაზღვევო წლის შესაბამისი სადაზღვევო პრემია სრულად.



9. მხარეთა უფლებები და ვალდებულებები.

9.1. მზღვეველი ვალდებულია:

- 9.1.1. გააცნოს და გადასცეს დამზღვევეს სადაზღვევო პოლისი, დაზღვევის წესები, დაზღვევის ხელშეკრულება;
- 9.1.2. შეამციროს სადაზღვევო ტარიფი და შესაბამისად შეცვალოს სადაზღვევო ხელშეკრულება იმ შემთხვევაში თუ დამზღვევის მიერ გატარებულია მზღვეველთან წინასწარ შეთანხმებული ღონისძიებები, რომლებიც ამცირებს დაზღვეული რისკის ხარისხს და მოცულობას;
- 9.1.3. დაზღვეული ქონების ღირებულების გაზრდისას, დამზღვევის მოთხოვნით, დამატებითი სადაზღვევო პრემიის გადახდის საფუძველზე შეცვალოს დაზღვევის ხელშეკრულება; დამატებითი სადაზღვევო პრემია (შესატანი) გამოითვლება სადაზღვევო ხელშეკრულების მოქმედების დარჩენილი ვადის პროპორციულად. დამზღვევის მიერ დამატებითი სადაზღვევო პრემიის გადახდაზე უარის თქმის შემთხვევაში მზღვეველი უფლებამოსილია ცალმხრივად შეწყვიტოს სადაზღვევო ხელშეკრულება რისკის გაზრდის მომენტიდან, შეტყობინების ერთთვიანი ვადის დაცვის გარეშე. მზღვეველი უფლებამოსილია გააფორმოს ზემოთ აღნიშნული ცვლილება ხელშეკრულების დამატების საფუძველზე ან შეცვალოს მთლიანად ხელშეკრულება.

პირვანდელი სადაზღვევო ხელშეკრულება წყდება ახალი ხელშეკრულების ძალაში შესვლისთანავე;

- 9.1.4. სადაზღვევო შემთხვევის დადგომისას გადაუხადოს მოსარგებლეს სადაზღვევო ანაზღაურება წინამდებარე წესების შესაბამისად.
- 9.1.5. არ გაახმაუროს მონაცემები დამზღვევის, მისი ქონებრივი და ფინანსური მდგომარეობის შესახებ, გარდა საქართველოს კანონმდებლობით გათვალისწინებული შემთხვევებისა.
- 9.1.6. დაიცვას წინამდებარე წესების, დაზღვევის ხელშეკრულების და საქართველოს კანონმდებლობის მოთხოვნები.

9.2. მზღვეველი უფლებამოსილია:

- 9.2.1. მოითხოვოს დამზღვევისაგან სრული და ამომწურავი ინფორმაცია დაზღვევის ობიექტის შესახებ;
- 9.2.2. სადაზღვევო ხელშეკრულების ხელმოწერამდე მოახდინოს დაზღვევის სავარაუდო ობიექტის დათვალიერება, შეამოწმოს მისი ტექნიკური მდგომარეობა (გამართულობა, მთლიანობა), დამზღვევის მიერ ქონების გაცხადებული და რეალური ღირებულების შესაბამისობა, სადაზღვევო რისკების ხარისხი. დათვალიერების შემდეგ მზღვეველი იღებს გადაწყვეტილებას რისკის აქცეპტირების შესახებ, შესაბამისად, განსაზღვრავს სადაზღვევო ტარიფს, დაზღვევის კონკრეტულ პირობებს;

9.2.3. მოითხოვოს სადაზღვევო შემთხვევის დადგომის ფაქტთან დაკავშირებული დოკუმენტაცია შესაბამისი კომპეტენტური ორგანოებიდან;



- 9.2.4. თავად გამოიკვლიოს სადაზღვევო შემთხვევის დადგომის მიზეზები და გარემოებები;
- 9.2.5. სადაზღვევო ანაზღაურების გაცემის შემდეგ, მზღვეველი უფლებამოსილია მოსთხოვოს დამზღვევს სადაზღვევო ანაზღაურების ან მისი ნაწილის უკან დაბრუნება, თუ:
- ა) გაირკვა, რომ ზარალის გამომწვევი მიზეზი იყო წინამდებარე წესებით გათვალისწინებული გამონაკლისებიდან ერთ-ერთი;
 - ბ) ზარალი ანაზღაურდება სადაზღვევო შემთხვევის გამომწვევი პირის მიერ;
 - გ) დამზღვევის და/ან სარგებელშემძენის მიზეზით ვერ მოხერხდება მზღვეველის მიერ რეგრესის უფლების განხორციელება;
 - დ) გაირკვა, რომ მზღვეველთან წინასწარი შეთანხმების გარეშე, ქონება, რომელზეც გაცემულია სადაზღვევო ანაზღაურება დაზღვეულია სხვა კომპანიაშიც;
- 9.3. დამზღვევი უფლებამოსილია:
- 9.3.1. წინამდებარე წესების დაცვით წარუდგინოს მზღვეველს „ანაზღაურების მოთხოვნა“ და მოითხოვოს სადაზღვევო პოლისით გათვალისწინებული ზიანის ანაზღაურება;
 - 9.3.2. სადაზღვევო ხელშეკრულების მოქმედების პერიოდში მზღვეველის წინასწარი ინფორმირების საფუძველზე, გადასცეს წინამდებარე წესებით გათვალისწინებული თავისი უფლებამოსილება მოსარგებლეს.
- 9.4. დამზღვევი ვალდებულია:
- 9.4.1. სადაზღვევო ხელშეკრულების გაფორმებამდე მიაწოდოს მზღვეველს ზუსტი და ამომწურავი ინფორმაცია დასაზღვევი ობიექტის შესახებ. გააცნოს მზღვეველს ყველა მისთვის ცნობილი გარემოება, რომელთაც შეიძლება მნიშვნელობა ქონდეთ რისკის შეფასებისათვის, ასევე, ამ ქონებასთან დაკავშირებული ყველა დადებული ან დასადები ხელშეკრულება;
 - 9.4.2. ხელშეკრულების მოქმედების პერიოდში 3 დღის ვადაში შეატყობინოს მზღვეველს ყველა იმ ცვლილების შესახებ, რომელიც ზრდის რისკის ხარისხს ან მოცულობას;
 - 9.4.3. გადაიხადოს სადაზღვევო პრემია (შესატანი) წინამდებარე პირობებისა და სადაზღვევო პოლისის პირობების შესაბამისად;
 - 9.4.4. მიიღოს ყველა აუცილებელი ზომა დაზღვეული ქონების განადგურების თავიდან ასაცილებლად და შესაძლო ზარალის შესამცირებლად;
 - 9.4.5. სადაზღვევო შემთხვევის აღმოჩენისთანავე, ასევე სადაზღვევო შემთხვევის დადგომაში დამნაშავე პირების შესახებ ინფორმაციის ფლობისას დაუყოვნებლივ შეატყობინოს შესაბამის ორგანოებს (შსს, საპატრულო პოლიცია, სახანძრო სამსახური და .ა.შ.);
 - 9.4.6. არაუგვიანეს სადაზღვევო შემთხვევის დადგომიდან 72 საათის განმავლობაში შეატყობინოს მზღვეველს მომხდარის შესახებ;
 - 9.4.7. მიაწოდოს მზღვეველს წერილობითი განცხადება სადაზღვევო შემთხვევის დადგომის და სადაზღვევო ანაზღაურების მოთხოვნის შესახებ. განცხადებასთან ერთად, წარუდგინოს მზღვეველს ყველა აუცილებელი ოფიციალური



- დოკუმენტი სადაზღვევო შემთხვევის ფაქტის დადგომის, გამომწვევი მიზეზებისა და გარემოებების, ზარალის ოდენობის შესახებ. დაზიანებული ან განადგურებული/დაკარგული ნივთების/ობიექტების ნუსხა;
- 9.4.8. ხელი შეუწყოს მზღვეველს რეგრესის უფლების განხორციელებაში;
- 9.4.9. სადაზღვევო შემთხვევის დადგომის შემდეგ, მზღვეველის წარმომადგენლის მიერ დაზღვეული ობიექტის დათვალიერებამდე არ მოახდინოს დაზიანებული ობიექტის/ნივთების შეკეთება ან მათი გადაადგილება (თუ ეს გამოწვეული არ არის შემდგომი ზარალის თავიდან აცილების ან შემცირების აუცილებლობით);
- 9.4.10. სადაზღვევო შემთხვევით გამოწვეული ზარალის ლიკვიდაციის და/ან ქონების აღდგენის შემთხვევაში შეატყობინოს და მისცეს უფლება მზღვეველს დაათვალიეროს ქონება. წინააღმდეგ შემთხვევაში, მზღვეველი არ იღებს პასუხისმგებლობას დაზღვეული ქონების განმეორებითი დაზიანებისათვის;
- 9.4.11. განხორციელოს საქართველოს კანონმდებლობით, ამ წესებით და დაზღვევის ხელშეკრულებით გათვალისწინებული სხვა ქმედებები;
- 9.5. წინამდებარე წესების 9.4. პუნქტში ჩამოთვლილი დამზღვევის ვალდებულებები თანაბარი ზომით ვრცელდება სარგებელშემძენზე. სარგებელშემძენის მიერ ამ ვალდებულებების შეუსრულებლობა/დარღვევა გამოიწვევს იგივე შედეგებს რაც გათვალისწინებულია დამზღვევის მიერ ნაკისრი ვალდებულებების შეუსრულებლობისათვის.
- 9.5.1. დამატებით, სარგებელშემძენს აქვს უფლება:
- სადაზღვევო პოლისის ორიგინალის წარმოდგენის საფუძველზე დამზღვევის თანხმობის გარეშე მიიღოს სადაზღვევო ანაზღაურება;
 - გადასცეს თავისი უფლებამოსილება სადაზღვევო ანაზღაურების მიღებაზე დამზღვევს;

9. რეგრესის უფლება.

- 9.1. ყველა უფლება დაზღვეულ ქონებაზე, რომელზედაც გადახდილია სადაზღვევო ანაზღაურება, გადადის მზღვეველზე.
- სადაზღვევო შემთხვევის დადგომისას, მხარეთა შეთანხმებით, დამზღვევი/სარგებელშემძენი უფლებამოსილია უარი თქვას დაზღვეულ ქონებაზე სადაზღვევო პოლისით განსაზღვრული სადაზღვევო თანხის ფარგლებში ანაზღაურების მიღების სანაცვლოდ.
- 9.2. სადაზღვევო ანაზღაურების გადახდის შემდეგ მზღვეველის მიერ გაცემული თანხის ფარგლებში მასზე გადადის მოთხოვნის წაყენების უფლება, რომელიც აქვს დამზღვევს/მოსარგებლეს ზარალის მიყენებაზე პასუხისმგებელი პირის მიმართ. დამზღვევი/მოსარგებლეს ვალდებულია გადასცეს მზღვეველს ყველა მტკიცებულება ან/და ინფორმაცია, რომელიც საჭიროა გადასული მოთხოვნის უფლების (რეგრესის) განსახორციელებლად.

იმ შემთხვევაში, თუ დამზღვევი/სარგებელშემძენი უარს აცხადებს რეგრესის უფლებაზე პასუხისმგებელი პირის მიმართ, მზღვეველი უფლებამოსილია უარი თქვას სადაზღვევო ანაზღაურების ან მისი შესაბამისი ნაწილის გადახდაზე. ხოლო თუ მზღვეველის მიერ სადაზღვევო ანაზღაურება უკვე გადახდილია, იგი



უფლებამოსილია მოითხოვოს დამზღვევისაგან/მოსარგებლისაგან გადახდილი თანხის უკან დაბრუნება.

10. ფორს-მაჟორი.

- 10.1. მხარეები თავისუფლდებიან პასუხისმგებლობისგან წინამდებარე წესებით გათვალისწინებული ვალდებულებების (ინფორმაციის მიწოდების, სადაზღვევო შემთხვევის ექსპერტიზების, თანხების გადახდის ვადების შესახებ) დროული, შეუსრულებლობისთვის, თუ ეს შეუსრულებლობა გამოწვეულია ფორს-მაჟორული, გარემოებების ზემოქმედებით, (როგორცაა სტიქიური უბედურებები, სამხედრო, საომარი მოქმედებები, სახელმწიფო ორგანოების აქტები და/ან ქმედებები, გაფიცვა, აჯანყება, სამოქალაქო არეულობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათი მხრიდან შეუძლებელია.), რაც შეუძლებელს ხდის მხარეთა მიერ ვალდებულებების შესრულებას.
- 10.2. ფორს-მაჟორული გარემოებების გამო ვალდებულებების შეუსრულებლობისას, მხარეები ვალდებული არიან წერილობით შეატყობინონ ერთმანეთს ამის შესახებ შეძლებისდაგვარად მოკლე დროში.
- 10.3. მხარეთა მიერ ნაკისრი ვალდებულებების შესრულების ვადები გადაიწევს ფორს-მაჟორული გარემოებების ზემოქმედების ვადით.

11. დასკვნითი დებულებები.

- 11.1. წინამდებარე წესებით გათვალისწინებული ყველა შეტყობინება და თანხმობა მხარეთა მიერ ერთმანეთს მიეწოდება უფლებამოსილი პირების მიერ ხელმოწერილი წერილით, ფაქსით ან დაზღვეული ფოსტით. თუ ეს მიზანშეუწონლად დამაყოვნებელია, უფლებამოსილი პირებისათვის შეტყობინება ხდება ზეპირი ფორმით, შეძლებისდაგვარად მოკლე დროში წერილობითი დადასტურებით.
- 11.2. ბრალეულობის ფარგლებში, თითოეული მხარე ვალდებულია აუნაზღაუროს მეორე მხარეს მიყენებული ზიანი საქართველოს კანონმდებლობით დადგენილი წესით.
- 11.3. თითოეული მხარე პასუხისმგებელია მეორე მხარისათვის მიწოდებული ინფორმაციის (დოკუმენტაციის) სისწორეზე და ლეგალურობაზე. თუ ერთი მხარის მიერ მეორისთვის მიწოდებული ინფორმაცია ამგვარი არ აღმოჩნდა, ეს უპირობოდ ჩაითვლება მხარის მიერ შესაბამისი ვალდებულების დარღვევად და მეორე მხარეს წარმოეშევა უფლება არ შეასრულოს თავისი შესაგებელი ვალდებულება.

დამზღვევი



მზღვეველი

